



## **PRESTACIONES SOCIOECONÓMICAS**

## 2 PRESTACIONES SOCIOECONÓMICAS

### Pensión non contributiva de invalidez (PNCI)

Prestación económica individual de carácter periódica que cubre contingencias de invalidez ou deficiencia e que garante uns ingresos mínimos a aquelas persoas que non poidan acceder a outro tipo de pensións.

Asegura a aquelas persoas en situación de discapacidade e en estado de necesidade unha prestación económica e asistencia médico farmacéutica gratuíta e servizos sociais complementarios (persoas que non cotizaron ou non o fixeron o suficiente).

#### REQUISITOS:

- ▶ Ser maior de 18 anos e menor de 65 anos.
- ▶ Estar afectado/a por unha discapacidade ou enfermidade crónica en grao igual ou superior ao 65%.
- ▶ Residir legalmente no territorio español polo menos durante cinco anos, dos cales dous terán que ser inmediatamente anteriores á data de solicitude da pensión.

▶ Persoas nacionais da UE que totalicen o período de residencia mencionado no apartado anterior no territorio de calquera estado membro.

▶ Carecer de rendas ou ingresos superiores a 7.250,60€ anuais para o ano 2024. No caso de convivir con outras persoas nunha mesma unidade económica a contía de ingresos será a que se mostra na seguinte táboa:

Pensión non contributiva de invalidez (PNCI)			
Nº de convivintes ata 2º grao (cónxuxes, netas/os, irmáns/ás...)	euros ao ano	Nº de convivintes ata 1º grao (pais/nais e fillas/os)	euros ao ano
2	12.326,02	2	30.815,05
3	17.401,44	3	43.503,60
4	22.476,86	4	56.192,15

#### INCOMPATIBLE:

- Percibir outra pensión de igual ou superior contía.
- Pensións Asistenciais (FAS por enfermidade ou vellez), o antigo Fondo de Asistencia Social.
- Subsidio de garantía de ingresos mínimos e de axuda de terceira persoa (LISMI).
- Pensión non contributiva de xubilación.
- Pensións Asistenciais (PAS).
- Coa condición de causante da asignación familiar por fillo/a a cargo con discapacidade.

**COMPATIBLE:** coa pensión de orfandade, descontándose da PNC a cantidade correspondente á pensión de orfandade. No suposto de que as persoas beneficiarias dispoñan de rendas ou ingresos propios superiores ao 35% do importe anual fixado na pensión non contributiva, a contía anual da pensión establecida reducirase nun importe igual á cantidade na que os ingresos persoais, en cómputo anual, excedan da porcentaxe indicada.

A persoa pensionista pode exercer actividades, lucrativas ou non, compatibles co seu estado e que non representen un cambio na súa capacidade de traballo. Se exerce actividades lucrativas, hai compatibilidade no cobro da pensión e das rendas obtidas durante os 4 anos seguintes ao inicio da actividade, cando a suma da pensión de invalidez e dos ingresos que obtén pola actividade e resto de ingresos que posúa, non sexan superiores ao importe en cómputo anual do Indicador Público de Renda de efectos múltiples (IPREM) vixente. No caso de exceder de dita contía, reducirase o importe da pensión no 50% do exceso, sen

que en ningún caso, a suma da pensión e dos ingresos poida superar 1.5 veces o IPREM. Esta redución non afecta ao complemento por 3ª persoa.

#### **NORMATIVA RELACIONADA:**

Real Decreto Legislativo 8/2015, do 30 de outubro, polo que se aproba o texto refundido da Lei Xeral da Seguridade Social (BOE do 31 de outubro).

Real Decreto 357/1991, do 15 de marzo, polo que se desenvolve en materia de pensións non contributivas a Lei 26/1990, do 20 de decembro, pola que se establecen na Seguridade Social prestacións non contributivas (integrada no Real Decreto Legislativo anterior), (BOE do 21 de marzo).

Orde PRE/3113/2009, do 13 de novembro, pola que se ditan normas de aplicación e desenvolvemento do Real Decreto 357/1991, do 15 de marzo, polo que se desenvolve, en materia de pensións non contributivas, a Lei 26/1990, do 20 de decembro, pola que se establecen na Seguridade Social prestacións non contributivas, sobre rendas ou ingresos computables e a súa imputación (BOE do 20 de novembro).

#### **COMUNICACIÓN:**

As persoas beneficiarias desta prestación que inicien unha actividade laboral por conta propia ou allea, deben de comunicalo para que lle paralicen a prestación e volverán a comunicalo cando deixen de traballar, para volver a recuperar a prestación.

#### **OUTRA INFORMACIÓN RELACIONADA:**

Normativa e requisitos segundo o Instituto de Maiores e Servizos Sociais.

#### **NORMATIVA RELACIONADA:**

Lei 21/2021, de 28 de decembro, de garantía do poder adquisitivo das pensións e outras medidas de reforzo da sostibilidade financeira e social do sistema público de pensións, as pensións de Seguridade Social.

Contías	Mensual	Anual
Íntegra	517,90€	7.250,60€
Mínimo legal do 25%	129,48 €	1.812,65€
Complemento necesidade doutra persoa	258,95€	3.625,30€
Íntegra + complemento necesidade de 3ª persoa	776,85€	10.875,90€
Mínima + complemento necesidade 3ª persoa	388,43€	5.437,95€

#### **Complemento de terceira persoa**

Percibirán, ademais da PNCl, un complemento do 50% do importe da pensión.

#### **REQUISITOS:**

Persoas maiores de 18 anos e menores de 65 anos. Grao de discapacidade igual ou superior ao 75% e que precisen a axuda doutra persoa para realizar as actividades máis esenciais da vida diaria.

Non ten que solicitarse, aplícase de forma automática.

O Real Decreto-lei 8/2023, de 27 de decembro, polo que se adoptan medidas para afrontar as consecuencias económicas e sociais derivadas dos conflitos en Ucraia e Oriente Próximo, así como para paliar os efectos da sequía. Establécese unha revalorización das pensións do Sistema da Seguridade Social para o exercicio 2024 do 3,8 por cento, incluído o límite máximo de percepción de pensións públicas.

## Complemento para titulares de PNC que residan en vivenda alugada

### CONCEPTO:

Establecer un complemento de pensión dirixido a persoas beneficiarias de pensións non contributivas de xubilación e invalidez que carezan de vivenda en propiedade e teñan como residencia habitual unha vivenda alugada como titular do contrato, por propietarios cos que non teña relación de parentesco ata o 3º grao.

### REQUISITOS:

- ▶ Ter recoñecida unha PNC de xubilación ou invalidez na data da solicitude.
- ▶ Carecer de vivenda en propiedade.
- ▶ Ser titular do contrato de arrendamento da vivenda na data da solicitude.
- ▶ Non ter relación de parentesco ata o 3º grao co arrendador da vivenda alugada, que se acreditará mediante declaración responsable.
- ▶ Ter fixada a súa residencia habitual na vivenda alugada.
- ▶ Enténdese que a vivenda é domicilio habitual cando a vixencia do arrendamento non sexa inferior a un ano e teña residido na mesma durante un período mínimo de 180 días, inmediatamente anteriores á data da solicitude e que durante dito período tivera percibido a correspondente PNC.

No caso de unidades familiares nas que

convivan varias persoas perceptoras só poderá percibir o complemento a persoa titular do contrato de aluguer, ou de ser varias persoas titulares, a primeira delas.

### CONTÍAS:

A contía do complemento é de 525 € anuais. A contía deste complemento non se computa como rendas ou ingresos a efectos de determinar o mantemento do dereito á pensión. Abóase nun pagamento único que se fará efectivo antes do 31 de decembro ou dentro do prazo dos 3 meses seguintes a dita data.

## Prestación familiar por filla ou fillo a cargo con discapacidade

### CONCEPTO:

As prestacións familiares por filla/o a cargo consisten nunha asignación económica por cada filla/o menor de 18 anos cunha discapacidade nun grao igual ou superior ao 33% ou maior de dita idade cando o grao de discapacidade sexa igual ou superior ao 65%, a cargo do beneficiario, calquera que sexa a natureza legal da filiación, así como polos menores ao seu cargo en réxime de acollemento familiar permanente ou garda con fins de adopción, que cumpran os mesmos requisitos.

Estas prestacións están incluídas nos dous niveis de protección que compoñen o Sistema da Seguridade Social:

- Nivel Contributivo: están comprendidas dentro da acción protectora do Réxime Xeral e dos Réximes Especiais da Seguridade Social.
- Nivel Non Contributivo: o dereito a estas prestacións esténdese a todas as persoas que se atopen en situación de necesidade, aínda cando non cotizaran nunca ou non o fixeran o tempo suficiente para acadar as prestacións do nivel contributivo, aínda que está condicionado a uns niveis máximos de ingresos.

### PERSOAS BENEFICIARIAS:

- ▶ Menor de 18 anos cunha discapacidade igual ou superior ao 33%.
- ▶ Maior de 18 anos cun grao de discapacidade igual ou superior ao 65% a cargo da persoa beneficiaria.
- ▶ Orfos/as de pai e nai e abandonados/as polos pais/nais, sempre que non se atopen en réxime de acollemento familiar.
- ▶ Persoas con discapacidade maiores de 18 anos que, en vez dos seus proxenitores ou adoptantes, soliciten ser elas as persoas beneficiarias, con carácter previo e audiencia dos mesmos.

### ORGANISMO DE REFERENCIA DO COMPLEMENTO PARA TITULARES DE PNC QUE RESIDAN EN VIVENDA ALUGADA:

Consellería de Política Social e Xuventude

### NORMATIVA DE REFERENCIA DO COMPLEMENTO PARA TITULARES DE PNC QUE RESIDAN EN VIVENDA ALUGADA:

Real Decreto 1191/2012, de 3 de agosto. Orde do 11 de abril de 2017.

### REQUISITOS:

- ▶ Residir legalmente en territorio nacional.
- ▶ Non ter dereito nin o pai nin a nai a prestacións desta natureza en calquera réxime público de protección social.
- ▶ Ter recoñecida unha discapacidade no grao establecido.
- ▶ Para poder acceder á atención de terceira persoa é preciso ter recoñecido, ademais do grao de discapacidade do 75%, a necesidade dunha 3ª persoa para a realización das actividades da vida diaria.

### COMPATIBLE:

Cos ingresos que poida percibir por traballo lucrativo por conta allea ou propia, sempre que non supere o 100% do Salario Mínimo Interprofesional.

Coa pensión de orfandade e a pensión en favor de familiares de netos/as e irmáns/irmás.

### INCOMPATIBLE:

Coa percepción por parte dos proxenitores ou adoptantes, de calquera outra prestación análoga establecida nos réximes públicos de protección social.

Entre ambos proxenitores ou adoptantes, o dereito a percibila só poderá ser recoñecido a favor dun deles.

A percepción das asignacións económicas por fillo/a a cargo, maior de 18 anos e cun grao de discapacidade igual ou superior ao 65%, é incompatible coa condición, por parte do/a fillo/a, de pensionista de PNC.

### CONTÍAS:

- Fillo/a menor de 18 anos: 1.000 € ao ano (250 € trimestrais) cando o/a fillo/a a cargo teña unha discapacidade en grao igual ou superior ao 33%.
- Fillo/a maior de 18 anos 5.647,20€ ao ano (470,60€ ao mes) cando o/a fillo/a a cargo teña unha discapacidade en grao igual ou superior ao 65%.
- 8.469,60€ ao ano (705,80€ ao mes) cando o/a fillo/a a cargo teña unha discapacidade en grao igual ou superior ao 75% con concurso de 3ª persoa.

### ORGANISMO DE REFERENCIA:

INSS (Instituto Nacional da Seguridade Social).

### NORMATIVA DE REFERENCIA:

Real Decreto Lexislativo 8/2015, do 30 de outubro, polo que se aproba o texto refundido da Lei Xeral da Seguridade Social. Real Decreto Lei 1/2000, de 14 de xaneiro, sobre determinadas medidas de mellora da protección familiar da Seguridade Social. Lei 40/2003, de 18 de novembro, de Protección ás Familias Numerosas (BOE nº núm. 14, de 17 de xaneiro de 2000). Real Decreto 1335/2005, de 11 de novembro, polo que se regulan as prestacións familiares da Seguridade Social.

Real Decreto-lei 8/2023, de 27 de decembro, polo que se adoptan medidas para afrontar as consecuencias económicas e sociais derivadas dos conflitos en Ucraia e Oriente Próximo, así como para paliar os efectos da sequía. para o exercicio 2024.

## Prestacións derivadas da LISMI

A Lei 13/1982, de 7 de abril (LISMI) articula que o Goberno establecerá e regulará por Decreto un sistema especial de prestacións sociais e económicas para as persoas con discapacidade que, por non desenvolver unha actividade laboral, non estean incluídas no campo da aplicación do Sistema da Seguridade Social. O citado Decreto é o 383/1984, de 1 de febreiro, polo que se establece e regula o sistema especial de prestacións sociais e económicas, e a xestión e a tramitación destas prestacións corre ao cargo dos poderes públicos e levarase a cabo por medio do Sistema da Seguridade Social.

## Prestacións derogadas da LISMI

Estes subsidios quedaron suprimidos pola Lei 26/1990, do 20 de decembro, aínda que as persoas que xa son beneficiarias poden continuar percibíndoas.

## Subsidio de mobilidade e compensación por gastos de transporte

Prestación económica destinada a cubrir os gastos de desprazamento fóra do domicilio habitual cando a persoa ten graves problemas de mobilidade para utilizar por si mesma servizos colectivos de transporte.

Contía anual: 934 €

Contía mensual: 78,20 € (doce mensualidades).

## Asistencia sanitaria e farmacéutica

Prestación de asistencia médico-farmacéutica gratuíta, nas mesmas condicións do Réxime Xeral da Seguridade Social, para uso exclusivo da persoa con certificado de discapacidade.

## Subsidio de garantía de ingresos mínimos (SGIM)

Prestación subsidiaria para persoas maiores de 18 anos cun grao de discapacidade do 65% que compensa a carencia de recursos económicos e a incapacidade de obtelos. É incompatible co FAS, PNCI e Prestación Familiar por fillo/a a cargo. Suprimida pola Lei 26/1990.

Contía anual: 2.098,04€

Contía mensual: 149,86€

## Subsidio para axuda de terceira persoa (SATP)

Prestación de subsidio complementario do SGIM, que compensaba a falta de autonomía para a realización das actividades da vida diaria.

Esixíase un 75% do grao de discapacidade.

Suprimida pola Lei 26/1990.

Contía anual: 818,30€

Contía mensual: 58,45€

### ORGANISMO DE REFERENCIA:

Consellería de Política Social e Xuventude.

Prestacións sociais e económicas para persoas con discapacidade (LISMI).

**NORMATIVA DE REFERENCIA:** Lei 13/1982, do 7 de abril, de Integración Social das Persoas con Discapacidade (BOE nº 103, do 30 de abril de 1982).

Real Decreto 383/1984, do 1 de febreiro, polo que se establece e regula o sistema especial de prestacións sociais e económicas previsto na Lei 13/82 (BOE nº 49, do 27 de febreiro do 1984).

### Contías das pensións contributivas 2024

Clase de pensión (contías mínimas)	Titular con cónxuxe a cargo		Unidade económica unipersoal		Titular con cónxuxe non a cargo	
	importe mensual	importe anual	importe mensual	importe anual	importe mensual	importe anual
<b>xubilación</b>						
Titular con 65 anos	1.031,87	14.446,20	825,20	11.552,80	783,30	10.966,20
65 anos procedente de gran invalidez	1.549,90	21.698,60	1.237,80	17.329,20	1.174,90	16.448,60

### incapacidade permanente

Gran invalidez	1.549,90	21.698,60	1.237,80	17.329,20	1.174,90	16.448,60
Absoluta	1.031,87	14.466,20	825,20	11.552,80	783,30	10.966,20
Total con idade entre 60 e 64 anos	1.031,87	14.466,20	772,00	10.808,00	729,70	10.215,80
Parcial do réxime de accidente de traballo (Titular con 65 anos)	1.031,87	14.466,20	825,20	11.552,80	783,30	10.966,20

## Contías das pensións contributivas 2024

Clase de pensión (contías mínimas)	Titular con cónxuxe a cargo		Unidade económica unipersoal		Titular con cónxuxe non a cargo	
	importe mensual	importe anual	importe mensual	importe anual	importe mensual	importe anual

### viuvez

Titular con 65 anos ou con discapacidade igual ou superior 65%			825,20	11.552,80		
Titular entre 60 e 64 anos			772,00	10.808,00		
Titular menor de 60 anos			625,20	8.752,80		
Titular con cargas familiares			1.033,30	14.466,20		

### orfandade

Por beneficiario/a			252,40	3.533,60		
Por beneficiario/a menor de 18 anos con discapacidade igual ou superior ao 65%			496,20	6.946,80		

### en favor de familiares

Por beneficiario/a			252,40	3.533,60		
Beneficiario/a único/a con 65 anos			609,60	8.534,40		
Beneficiario/a único/a menor de 65 anos			547,50	8.043,00		
Varios/as beneficiarios/as			252,40 + 372,80 / N	3.533,60 + 5.219,20 / N		

### SOVI concurrentes (Seguro Obligatorio de velez, invalidez e viuidade)

Por beneficiario/a			517,90	7.250,60		
--------------------	--	--	--------	----------	--	--

## NORMATIVA RELACIONADA:

Real Decreto-ley 8/2023, de 27 de decembro, polo que se adoptan medidas para afrontar as consecuencias económicas e sociais derivadas dos conflitos en Ucraia e Oriente Próximo, así como para paliar os efectos da sequía para o exercicio 2024.

## Contía da pensión non contributiva por filla/o a cargo 2023

Clase de contía	Fillo/a a cargo importe mensual	Fillo/a a cargo importe anual
Menor de 18 anos con 33% ou máis	83,33	1.000
Maior de 18 anos con 65% ou máis	470,60	5.647,20
Maior de 18 anos con 75% de discapacidade e con necesidade de terceira persoa	705,80	8.469,60

## Renda activa de inserción (RAI)

### CONCEPTO:

Axuda específica dirixida ás persoas desempregadas con especiais necesidades económicas e dificultade para atopar emprego que adquiren o compromiso de realizar actuacións favorecedoras da súa inserción laboral. Este programa combina a percepción dunha renda coa busca activa de emprego.

### REQUISITOS:

- ▶ Ter recoñecido un grao de discapacidade igual ou superior ao 33% ou ser pensionista por incapacidade.
- ▶ Extinguir unha prestación contributiva ou subsidio por desemprego salvo por sanción.
- ▶ Non ter dereito ás prestacións ou subsidios por desemprego ou á renda agraria.

- ▶ Estar inscrita/o ininterrompidamente na oficina de emprego durante un mínimo de 12 meses.
- ▶ Acreditar ante o Servizo Público de Emprego Estatal que durante o período de inscrición citado anteriormente se realizaron, polo menos, tres accións de busca activa de emprego.
- ▶ Non ter ingresos propios superiores ao 75% do SMI mensual vixente (Renda máxima de acceso a RAI para ano 2024: 810€euros/mes).
- ▶ Que a suma dos ingresos mensuais obtidos por todos os membros da súa unidade familiar (a persoa solicitante, cónxuxe e fillas/os menores de 26 anos ou maiores con discapacidade ou menores acollidos/as) dividida polo número de membros que a compoñen non supere o 75 % del SMI por membro.
- ▶ Non ter sido beneficiario/a de tres dereitos ao programa de renda activa de inserción.

▶ Non ter sido beneficiario/a da renda activa de inserción nos 365 días naturais anteriores á data de solicitude do dereito á admisión ao programa; salvo casos nos que se acredite unha discapacidade igual ou superior ao 33%, ou a condición de vítima de violencia de xénero ou vítima de violencia doméstica.

### OBRIGAS:

- ▶ Proporcionar a documentación e información que se considere necesaria a efectos da súa inclusión e mantemento no Programa.
- ▶ Participar nos programas de emprego ou en accións de promoción, formación ou reconversión profesionais ou en aquelas outras de mellora da ocupación.
- ▶ Aceptar a colocación axeitada que lles sexa ofrecida.
- ▶ Renovar a demanda de emprego na forma e data que se determinen no documento de renovación da demanda.
- ▶ Comparecer, cando fora requirido, ante os Servizos Públicos de Emprego.
- ▶ Presentarse a cubrir a oferta e devolver aos Servizos Públicos de Emprego, no prazo de 5 días, o xustificante de ter comparecido no lugar e data indicados para cubrir as ofertas de emprego facilitadas por aqueles.
- ▶ Comunicar as causas de baixa, perda de requisitos e incompatibilidades no momento en que se produzan estas situacións.
- ▶ Reintegrar as cantidades da Renda Activa de Inserción indebidamente percibidas.
- ▶ Buscar activamente emprego.



**PERCEPCIÓN:**

Percibirase transcorrido 1 mes dende a data de solicitude (agás vítimas da violencia de xénero).

**CONTÍA E DURACIÓN:**

480 €/mes. Máximo 11 meses. No caso das persoas con discapacidade non será necesario esperar 1 ano para volver a solicitar dita renda. Prorrogable ata 3 veces.

**COMPATIBLE:**

As becas e axudas que se puideran obter pola asistencia a accións de formación profesional vencelladas ao Plan Nacional de Formación e Inserción Profesional. Co traballo por conta allea a tempo parcial, en cuxo caso se deducirá do importe da renda a parte proporcional do tempo traballado, e o período da renda pendente de percibir mentres se manteña a compatibilidade ampliarase en igual proporción.

**INCOMPATIBLE:**

A obtención de rendas de calquera natureza que fagan superar os límites establecidos. Non se computarán a estes efectos as rendas que proveñan de accións ou traballos compatibles coa percepción da renda.

A percepción de prestacións ou subsidios de desemprego, ou de renda agraria. As pensións ou prestacións de carácter económico da Seguridade Social que sexan incompatibles co traballo ou que excedan na súa contía dos límites establecidos. A realización simultánea de traballo por conta propia ou allea a tempo completo. Coas axudas sociais que se puideran recoñecer ás vítimas de violencia de xénero

que non poidan participar nos programas de emprego.

**ORGANISMO DE REFERENCIA:** Servizo Público de Emprego Estatal (SEPE).

**NORMATIVA DE REFERENCIA:** Real Decreto Legislativo 8/2015, do 30 de outubro, polo que se aproba o texto refundido da Lei Xeral da Seguridade Social. Real Decreto 1369/2006, do 24 de novembro, polo que se regula o programa de renda activa de inserción para desempregados con especiais necesidades económicas e dificultade para atopar emprego.

## Renda de inclusión social de Galicia (RISGA)

**CONCEPTO:**

Prestación social de carácter periódico destinada a garantir recursos económicos de subsistencia a quen careza deles, mediante un proxecto personalizado de inserción que, partindo das necesidades e características de cada caso, procure a autonomía persoal, familiar e económica da persoa beneficiaria, e acade a súa integración social e/ou laboral.

**REQUISITOS:**

1- Ter residencia efectiva con padrón en calquera concello de Galicia polo menos durante os seis meses anteriores á formulación da solicitude. Quedan eximidas do cumprimento deste requisito dos seis meses:

>Aquelas persoas que, procedentes doutras comunidades autónomas do Estado, sexan beneficiarias do salario social na Comunidade

Autónoma da que proceden, sempre que na lexislación desa Comunidade se recolla a reciprocidade.

>As vítimas de violencia doméstica ou de xénero que cambian o seu domicilio por motivos de seguridade.

>Persoas emigrantes galegas retornadas cando fixen a súa residencia en Galicia. Aquelas persoas nadas en Galicia que, residindo noutras comunidades autónomas, volvan fixar a súa residencia en Galicia.

2- A cidadanía doutros estados non membros da Unión Europea precisarán, ademais, acreditar a residencia legal en España no momento da formulación da solicitude (agás menores que formen parte da unidade de convivencia).

- Ter residencia legal conforme a normativa vixente.

- Ter a condición de persoa refuxiada polo organismo competente da Administración Xeral do Estado ou autorizada a súa permanencia por razóns humanitarias.

- Persoas vítimas de tráfico de seres humanos ou mulleres extranxeiras vítimas de violencia de xénero que conten con autorización de residencia ou cun traballo, nos termos que estableza a normativa de aplicación en materia de extranxeiría.

3- Ter constituída unha unidade de convivencia independente, vencellada economicamente á persoa solicitante.

4- Ter entre 25 e 65 anos. Así como menores de 25 anos que teñan menores ao seu cargo, ou maiores de 18 que:

>Teñan recoñecida unha discapacidade e non teñan dereito a outra prestación ou axuda de igual ou análoga natureza.

>Antes de acadar a maioría de idade estivesen tutelados/as pola Xunta e internados/as en centros de menores ou en acollemento familiar.

>Persoas que estean en situación de orfandade absoluta, e que reunindo os demais requisitos, non teñan dereito a outras prestacións ou axudas de análoga natureza.

5- Recursos inferiores á contía da prestación económica da RISGA que lle correspondera (subsídio básico + complemento variable) considerando a súa situación económica familiar.

6- Que non existan persoas legalmente obrigadas e con posibilidade real a prestarlles alimentos de acordo coa lexislación civil.

#### **PROXECTO DE INTEGRACIÓN SOCIAL:**

Está constituído por un conxunto de accións programadas que terán como obxecto mellorar a integración persoal, familiar ou social, así como, se é o caso, a incorporación da persoa beneficiaria ao sistema laboral. Accións que debe de integrar o Proxecto de Integración Social:

1. Que procuren a rehabilitación persoal e

familiar, así como a integración no medio social.

2. Accións de motivación laboral, orientación profesional e formación ocupacional.

3. Actividades de interese colectivo e social.

4. Actividades orientadas cara ao traballo.

#### **PRESTACIÓN ECONÓMICA:**

Complementaria doutros ingresos sempre que estes non superen a contía máxima para ter dereito á mesma.

Incompatible con outras pensións ou axudas de carácter público, salvo coas prestacións de protección á familia (filla/o a cargo menor de 18 anos) que se se computan no cálculo de recursos económicos da unidade de convivencia.

Duración da prestación: outórgase mentres subsistan as causas que a motivaron. Revísase cada 12 meses, de non haber resolución expresa, a prestación entenderase tacitamente prorrogada. Tres compoñentes:

1. Subsídio Básico: equivale ao 78,2% do IPREM =469,20 €.

2. Complemento Variable: fíxase en función do nº de membros da unidade de convivencia independente. Nunca o Subsídio Básico + Complemento Variable pode ser maior que o IPREM. No caso de percepción de ingresos irregulares, tómase como referencia a media dos obtidos os 12 meses anteriores á solicitude:

14,60% IPREM polo 1º membro adicional = 87,60€

12,50% IPREM polo 2º membro adicional = 75€

10,40% IPREM por cada un dos restantes membros = 62,40€

3. Tramo de Inserción. Ademais de reunir os requisitos xerais de acceso á RISGA e as condicións para incorporarse a un itinerario de formación-emprego, segundo o informe dos servizos sociais e o diagnóstico de empregabilidade terá que subscribir un convenio de inclusión sociolaboral con compromiso de actividade.

#### **CÁLCULO DA CONTÍA:**

Calcúlase esta contía sumando o subsidio básico máis o complemento variable en función do número de membros da unidade de convivencia. SUBSIDIO BÁSICO + COMPLEMENTO VARIABLE.

#### **OBRIGAS DA PERSOA BENEFICIARIA:**

► Destinar o importe da RISGA ao fin polo que se concede.

► Participar nas accións contidas no proxecto de inserción.

► Escolarizar menores ao seu cargo que estean en idade escolar obrigatoria.

► Non exercer a mendicidade, nin prostitución, nin inducir á practica de calquera delas a ningún membro da unidade de convivencia.

► Comunicar as variacións sobrevidas da situación.

► Inscribirse como demandante de emprego na correspondente oficina do servizo público de emprego.

► Cantas outras obrigas se deriven do obxecto e finalidade da RISGA.

**ORGANISMO DE REFERENCIA:**

Consellería de Política Social e Xuventude (U.T.A: Unidade Técnica Administrativa de RISGA).

**NORMATIVA DE REFERENCIA:**

Lei 10/2013, do 27 de novembro, de Inclusión Social de Galicia.

DECRETO 14/2019, do 31 de xaneiro, de desenvolvemento da Lei 10/2013, do 27 de novembro, de Inclusión Social de Galicia, no relativo á tramitación da renda de inclusión social de Galicia e das axudas de inclusión social.

## Prestacións ortoprotésicas do SERGAS (produtos de apoio)

**CONCEPTO:**

A prestación ortoprotésica consiste no uso dos produtos sanitarios implantables ou non, que teñen como finalidade substituír total ou parcialmente unha estrutura corporal, ou ben modificar, corrixir ou facilitar a súa función.

Inclúe as seguintes prestacións:

- Quedan excluídos os implantes cirúrxicos, que se continuarán facilitando por parte dos hospitais.
- Próteses cirúrxicas fixas e a súa oportuna renovación.
- Próteses ortopédicas permanentes ou temporais (próteses externas) e a súa oportuna renovación.
- Vehículos para persoas con discapacidade para as que o seu tipo de discapacidade o aconselle.

**BENEFICIOS:**

- Reintegro total ou parcial dos gastos de adquisición de material.
- Renovación da prestación, se procede.
- Liberdade de elección do establecemento dispensador da prótese prescrita, segundo os criterios de planificación establecidos polo SERGAS.
- Posibilidade de acudir á Inspección Sanitaria no caso de desconformidade coa prestación.

**PROCEDEMENTO:**

Esta prestación será facilitada polos servizos de saúde ou dará lugar a axudas económicas, nos casos e de acordo coas normas que regulamentariamente fixen as administracións sanitarias competentes.

A prescrición será realizada polos facultativos especialistas e/ou polos médicos de atención primaria na materia correspondente á clínica que xustifique a prescrición e axustarase ao establecido no catálogo autorizado pola Administración Sanitaria, e a súa prestación seguirá o procedemento regulado tamén pola Administración Sanitaria.

**NORMATIVA DE REFERENCIA:**

Real Decreto 63/1995, do Ministerio de Sanidade e Consumo, do 20 de xaneiro, sobre a ordenación de prestacións sanitarias (BOE nº 35 do 10 de febreiro de 1995). Orde do 28 de maio de 2013, pola que se regula a prestación ortoprotésica na Comunidade Autónoma Galega.

## Axudas individuais de accesibilidade para o emprego (Fundación ONCE)

**ACTUACIÓNS CONTEMPLADAS:**

Todos aqueles proxectos cuxo fin sexa dotar á persoa beneficiaria do apoio técnico que, pola súa discapacidade, precise para a consecución ou o mantemento dun posto de traballo.

**TIPO DE GASTO:**

Gastos relativos á adquisición de produtos de apoio, audífonos, así como a adquisición / adaptación de vehículos, que se xustifiquen para a consecución dos fins do programa.

**DOCUMENTACIÓN A PRESENTAR:**

- Fotocopia do D.N.I. de persoa solicitante.
- Copia do certificado de discapacidade.
- Fotocopia completa da Declaración da Renda das Persoas Físicas (IRPF) da unidade familiar do último exercicio ou certificado negativo emitido por Facenda en caso de non facela.
- Copia da solicitude presentada ante outras entidades ou administracións para axudas do mesmo fin no caso de telo feito.
- Formulario de autorización de cesión de datos persoais.
- Formulario de solicitude xeral para persoas físicas cumprimentado (Anexo II). Fotocopia do documento acreditativo no que se recoñeza oficialmente a condición de discapacidade

da persoa solicitante (mínimo 33%), é dicir, onde se reflecta o dictame técnico de discapacidade (no caso de que na unidade familiar figure outro membro con discapacidade, acreditar a correspondente copia de cada un deles).

- Fotocopia das dúas últimas nóminas. No caso de solicitudes para a adquisición de vehículos adaptados, fotocopia do carné de conducir.

- Orzamento ou factura do obxecto de solicitude.

- Salvo no caso de que os documentos aportados pola persoa solicitante sexan orixinais ou fotocopias compulsadas, a solicitante deberá remitir un certificado ou declaración xurada, debidamente asinada, na que se manifeste a autenticidade da documentación presentada.

#### **CANDO E ONDE PRESENTAR:**

Ata o 28 de xuño de 2024, as persoas interesadas poderán presentar as súas solicitudes a través do correo electrónico [convocatoriaproyectos2024@gen.fundaciononce.es](mailto:convocatoriaproyectos2024@gen.fundaciononce.es) ou ben na sede de Fundación ONCE (Calle Sebastián Herrera, 15, 28012 Madrid).